

Bhikkhupātimokkhapāli

suṇātu me bhante saṅgho, yadi saṅghassa pattakallaṃ, saṅgho uposathaṃ kareyya pātimokkhaṃ uddiseyya. kiṃ saṅghassa pubbakiccaṃ? pārisuddhiṃ āyasmanto ārocetha pātimokkhaṃ uddisissāmi. taṃ sabbe va santā sādhukaṃ suṇoma manasikaroma.

yassa siyā āpatti, so āvikareyya. asantiyā āpattiyā, tuṇhī bhavitabbaṃ. tuṇhī bhāvena kho panāyasmante parisuddhā ti vedissāmi. yathā kho pana paccekapuṭṭhassa veyyākaraṇaṃ hoti, evam-evam evarūpāya parisāya yāvatatiyaṃ anusāvitaṃ hoti. yo pana bhikkhu yāvatatiyaṃ anusāviyamāne saramāno santiṃ āpattiṃ nāvīkareyya, sampajānamusāvādassa hoti. sampajānamusāvādo kho panāyasmanto antarāyiko dhammo vutto bhagavatā. tasmā saramānena bhikkhunā āpannena visuddhāpekkhena santi āpatti āvikātabbā. āvikatā hissa phāsu hoti.

Nidānuddeso niṭṭhito

tatrima cattāro pārājikā dhammā uddesaṃ āgacchanti.

Pār 1: (Methunadhammasikkhāpadaṃ)

yo pana bhikkhu bhikkhūnaṃ sikkhāsājīvasamāpanno sikkhaṃ apaccakkhāya dubbalyaṃ anāvikatvā methunaṃ dhammaṃ paṭiseveyya, antamaso tiracchānagatāya pi - pārājiko hoti, asaṃvāso.

Pār 2: (Adinnādānasikkhāpadaṃ)

yo pana bhikkhu gāmā vā araññā vā adinnaṃ theyyasaṅkhātāṃ ādiyeyya. yathārūpe adinnādāne rājāno coraṃ gahetvā haneyyuṃ vā bandheyyuṃ vā pabbājeyyuṃ vā: "corosi, bālosi, mūḷhosi, thenosi!" ti tathārūpaṃ bhikkhu adinnaṃ ādiyamāno - ayam-pi pārājiko hoti, asaṃvāso.

Pār 3: (Manussaviggahasikkhāpadaṃ)

yo pana bhikkhu sañcicca manussaviggahaṃ jīvitā voropeyya, satthahārakaṃ vāssa pariyeseyya, maraṇavaṇṇaṃ vā saṃvaṇṇeyya, maraṇāya vā samādapeyya: "ambho purisa kiṃ tuyhiminā pāpakena dujjīvitena? matante jīvitā seyyo!" ti iti cittamano cittasaṅkappo anekapariyāyena maraṇavaṇṇaṃ vā saṃvaṇṇeyya, maraṇāya vā samādapeyya - ayam-pi pārājiko hoti, asaṃvāso.

Pār 4: (Uttarimanussadhammasikkhāpadaṃ)

yo pana bhikkhu anabhijānaṃ uttarimanussadhammaṃ attūpanāyikaṃ alam-ariyañānadassanaṃ samudācareyya: "iti jānāmi, iti passāmi!" ti tato aparena samayena samanuggāhiyamāno vā asamanuggāhiyamāno vā āpanno visuddhāpekkho evaṃ vadeyya: "ajānaṃ-evāhaṃ āvuso avacaṃ: jānāmi; apassaṃ: passāmi; tucchaṃ musā vilapin"-ti, aññatra adhimānā - ayam-pi pārājiko hoti, asaṃvāso.

uddiṭṭhā kho āyasmanto cattāro pārājikā dhammā. yesaṃ bhikkhu aññataraṃ vā aññataraṃ vā āpajjitvā na labhati bhikkhūhil saddhiṃ saṃvāsaṃ. yathā pure, tathā pacchā, pārājiko hoti, asaṃvāso.

tatthāyasmante pucchāmi: kaccitthaṃ parisuddhā?

dutiyam-pi pucchāmi: kaccitthaṃ parisuddhā?

tatiyam-pi pucchāmi: kaccitthaṃ parisuddhā?

parisuddhetthāyasmanto, tasmā tuṇhī, 2 evam-etaṃ dhārayāmi.

ime kho panāyasmanto terasa saṅghādisesā dhammā uddesaṃ āgacchanti.

Sd 1: Sukkavisaṭṭhisikkhāpadaṃ
sañcetanikā sukkavisaṭṭhi, aññatra supinantā, saṅghādiseso.

Sd 2: Kāyasaṃsaggasikkhāpadaṃ
yo pana bhikkhu otiṇṇo vipariṇatena cittena mātugāmena saddhiṃ kāyasaṃsaggaṃ samāpajjeyya, hatthagāhaṃ vā veṇigāhaṃ vā aññatarassa vā aññatarassa vā aṅgassa parāmasanaṃ, saṅghādiseso.

Sd 3: Duṭṭhullavācāsikkhāpadaṃ
yo pana bhikkhu otiṇṇo vipariṇatena cittena mātugāmaṃ duṭṭhullāhi vācāhi obhāseyya. yathā taṃ yuvā yuvatim methunūpasamhitāhi, saṅghādiseso.

Sd 4: Attakāmapāricariyasikkhāpadaṃ
yo pana bhikkhu otiṇṇo vipariṇatena cittena mātugāmassa santike attakāmapāricariyāya vaṇṇaṃ bhāseyya: "etaḍ-aggāṃ bhagini pāricariyānaṃ yā mādisaṃ sīlavantaṃ kalyāṇadhammaṃ brahmacāriṃ etena dhammena paricareyyā" ti, methunūpasamhitena, saṅghādiseso.

Sd 5: Sañcarittasikkhāpadaṃ
yo pana bhikkhu sañcarittaṃ samāpajjeyya, itthiyā vā purisamatiṃ, purisassa vā itthimatiṃ, jāyattane vā jārattane vā, antamaso taṅkhaṇikāya pi, saṅghādiseso.

Sd 6: Kuṭṭikārasikkhāpadaṃ
saññācīkāya pana bhikkhunā kuṭim kārayamānena assāmikaṃ attuddesaṃ pamāṇikā kāretabbā. tatridaṃ pamāṇaṃ: dīghaso dvādasa vidatthiyo sugatavidatthiyā tiriyaṃ sattantarā. bhikkhū abhinetabbā vatthudesanāya, tehi bhikkhūhi vatthum desetabbaṃ anārambhaṃ saparikkamanaṃ. sārāmbhe ce bhikkhu vatthusmiṃ aparikkamanaṃ saññācīkāya kuṭim kāreyya, bhikkhū vā anabhineyya vatthudesanāya, pamāṇaṃ vā atikkāmeyya, saṅghādiseso.

Sd 7: Vihārakārasikkhāpadaṃ
mahallakaṃ pana bhikkhunā vihāraṃ kārayamānena sassāmikaṃ attuddesaṃ bhikkhū abhinetabbā vatthudesanāya. tehi bhikkhūhi vatthum desetabbaṃ anārambhaṃ saparikkamanaṃ. sārāmbhe ce bhikkhu vatthusmiṃ aparikkamanaṃ mahallakaṃ vihāraṃ kāreyya, bhikkhū vā anabhineyya vatthudesanāya, saṅghādiseso.

Sd 8: Paṭhamaduṭṭhadosasikkhāpadaṃ
yo pana bhikkhu bhikkhum duṭṭho doso appatīto amūlakena pārājikena dhammena anuddhamseyya: "appeva nāma naṃ imamahā brahmacariyā cāveyya"-ti. tato aparena samayena samanuggāhiyamāno vā asamanuggāhiyamāno vā, amūlakañ-ceva taṃ adhikaraṇaṃ hoti, bhikkhu ca dosaṃ patiṭṭhāti, saṅghādiseso.

Sd 9: Dutiyaduṭṭhadosasikkhāpadaṃ
yo pana bhikkhu bhikkhum duṭṭho doso appatīto aññabhāgiyassa adhikaraṇassa kiñci desaṃ lesamattaṃ upādāya pārājikena dhammena anuddhamseyya: "appeva nāma naṃ imamahā brahmacariyā cāveyya"-ti. tato aparena samayena samanuggāhiyamāno vā asamanuggāhiyamāno vā, aññabhāgiyañ-ceva taṃ adhikaraṇaṃ hoti, koci deso lesamatto upādinno, bhikkhu ca dosaṃ patiṭṭhāti, saṅghādiseso.

Sd 10: Paṭhamasaṅghabhedasikkhāpadaṃ
yo pana bhikkhu samaggassa saṅghassa bhedāya parakkameyya

bhedanasamvattanikaṃ vā adhikaraṇaṃ samādāya paggayha tiṭṭheyya. so bhikkhu bhikkhūhi evaṃ-assa vacanīyo: "mā āyasmā samaggassa saṅghassa bhedāya parakkami bhedanasamvattanikaṃ vā adhikaraṇaṃ samādāya paggayha aṭṭhāsi. sametāyasmā saṅghena, samaggo hi saṅgho sammodamāno avivadamāno ekuddeso phāsu viharatī" ti. evañ-ca so bhikkhu bhikkhūhi vuccamāno tatheva paggaṇheyya, so bhikkhu bhikkhūhi yāvatatiyaṃ samanubhāsitabbo tassa paṭinissaggāya. yāvatatiyañ-ce samanubhāsiyamāno taṃ paṭinissajeyya, 1 iccetaṃ kusalaṃ. no ce paṭinissajeyya, saṅghādiseso.

Sd 11: Dutiyasaṅghabhedasikkhāpadaṃ
 tasseva kho pana bhikkhussa bhikkhū honti anuvattakā vaggavādakā, eko vā dve vā tayo vā, te evaṃ vadeyyuṃ: "mā āyasmanto etaṃ bhikkhuṃ kiñci avacuttha, dhammavādī ceso bhikkhu, vinayavādī ceso bhikkhu, amhākañ-ceso bhikkhu; chandañ-ca, ruciñ-ca ādāya voharati, jānāti no bhāsati, amhākam-petaṃ khamatī" ti. te bhikkhū bhikkhūhi evaṃ-assu vacanīyā: "mā āyasmanto evaṃ avacuttha. na ceso bhikkhu dhammavādī, na ceso bhikkhu vinayavādī. mā āyasmantānam-pi saṅghabhedo ruccittha. sametāyasmantānaṃ saṅghena, samaggo hi saṅgho sammodamāno avivadamāno ekuddeso phāsu viharatī" ti. evañ-ca te bhikkhū bhikkhūhi vuccamānā tatheva paggaṇheyyuṃ, te bhikkhū bhikkhūhi yāvatatiyaṃ samanubhāsitabbā tassa paṭinissaggāya.

Sd 12: Dubbacasikkhāpadaṃ
 bhikkhu paneva dubbacajātiko hoti. uddesapariyāpannesu sikkhāpadesu bhikkhūhi sahadhammikaṃ vuccamāno attānaṃ avacanīyaṃ karoti: "mā maṃ āyasmanto kiñci avacuttha, kalyāṇaṃ vā pāpakaṃ vā. aham-pāyasmante na kiñci vakkhāmi, kalyāṇaṃ vā pāpakaṃ vā. viramathāyasmanto mama vacanāyā" ti. so bhikkhu bhikkhūhi evaṃ-assa vacanīyo: "mā āyasmā attānaṃ avacanīyaṃ akāsi. vacanīyam-evāyasmā attānaṃ karotu. āyasmā pi bhikkhū vadetu sahadhammena, bhikkhū pi āyasmantaṃ vakkhanti sahadhammena. evaṃ samvaddhā hi tassa bhagavato parisā, yadidaṃ aññam-aññavacanena aññam-aññavutṭhāpanenā" ti. evañ-ca so bhikkhu bhikkhūhi vuccamāno tatheva paggaṇheyya, so bhikkhu bhikkhūhi yāvatatiyaṃ samanubhāsitabbo tassa paṭinissaggāya. yāvatatiyañ-ce samanubhāsiyamāno taṃ paṭinissajeyya iccetaṃ kusalaṃ. no ce paṭinissajeyya, saṅghādiseso.

Sd 13: Kuladūsakasikkhāpadaṃ
 bhikkhu paneva aññataraṃ gāmaṃ vā nigamaṃ vā upanissāya viharatī kuladūsako pāpasamācāro. tassa kho pāpakā samācārā dissanti ceva suyyanti ca. kulāni ca tena duṭṭhāni dissanti ceva suyyanti ca. so bhikkhu bhikkhūhi evaṃ-assa vacanīyo: "āyasmā kho kuladūsako pāpasamācāro. āyasmato kho pāpakā samācārā dissanti ceva suyyanti ca. kulāni cāyasmatā duṭṭhāni dissanti ceva suyyanti ca. pakkamatāyasmā imamhā āvāsā. alan-te idha vāsenā" ti. evañ-ca so bhikkhu bhikkhūhi vuccamāno te bhikkhū evaṃ vadeyya: "chandagāmino ca bhikkhū, dosagāmino ca bhikkhū, mohagāmino ca bhikkhū, bhayagāmino ca bhikkhū. tādisikāya āpattiyaṃ ekaccaṃ pabbājenti, ekaccaṃ na pabbājenti" ti. so bhikkhu bhikkhūhi evaṃ-assa vacanīyo: "mā āyasmā evaṃ avaca, na ca bhikkhū chandagāmino, na ca bhikkhū dosagāmino, na ca bhikkhū mohagāmino, na ca bhikkhū bhayagāmino. āyasmā kho kuladūsako pāpasamācāro. āyasmato kho pāpakā samācārā dissanti ceva suyyanti ca. kulāni cāyasmatā duṭṭhāni dissanti ceva suyyanti ca. pakkamatāyasmā imamhā āvāsā. alan-te idha vāsenā" ti. evañ-ca so bhikkhu bhikkhūhi vuccamāno tatheva paggaṇheyya, so bhikkhu bhikkhūhi yāvatatiyaṃ samanubhāsitabbo tassa paṭinissaggāya. yāvatatiyañ-ce samanubhāsiyamāno taṃ paṭinissajeyya iccetaṃ

kusalaṃ. no ce paṭinissajeyya, saṅghādiseso.

uddiṭṭhā kho āyasmanto terasa saṅghādisesā dhammā, nava paṭhamāpattikā cattāro yāvatatīyakā. yesaṃ bhikkhu aññataram vā aññataram vā āpajjitvā, yāvatīhaṃ jānaṃ paṭicchādeti, tāvatīhaṃ tena bhikkhunā akāmā parivatthabbaṃ. parivutthaparivāseṇa bhikkhunā uttarichārattaṃ bhikkhumānattāya paṭipajjitabbaṃ. ciṇṇamānatto bhikkhu: yattha siyā vīsatiḡaṇo bhikkhusaṅgho, tattha so bhikkhu abbhetaḡo. ekena pi ce ūno vīsatiḡaṇo bhikkhusaṅgho taṃ bhikkhuṃ abbhēyya, so ca bhikkhu anabbhito, te ca bhikkhū gārayhā. ayaṃ tattha sāmīci.

tatthāyasmante pucchāmi: kaccittha parisuddhā?
 dutiyam-pi pucchāmi: kaccittha parisuddhā?
 tatiyam-pi pucchāmi: kaccittha parisuddhā?
 parisuddhetthāyasmanto, tasmā tuṇhī, evam-etaṃ dhārayāmi.

ime kho panāyasmanto dve aniyatā dhammā uddesaṃ āgacchanti.

Aniy 1: Paṭhama-aniyatasikkhāpadaṃ
 yo pana bhikkhu mātugāmena saddhiṃ eko ekāya raho paṭicchanne āsane alaṅkammaniye nisajjaṃ kappeyya. tam-enaṃ saddheyyavacasā upāsikā disvā tiṇṇaṃ dhammānaṃ aññatarena vadeyya: pārājikena vā saṅghādisesena vā pācittiyena vā. nisajjaṃ bhikkhu paṭijānamāno tiṇṇaṃ dhammānaṃ aññatarena kāretabbo: pārājikena vā saṅghādisesena vā pācittiyena vā. yena vā sā saddheyyavacasā upāsikā vadeyya, tena so bhikkhu kāretabbo. ayaṃ dhammo aniyato.

Aniy 2: Dutiya-aniyatasikkhāpadaṃ
 na heva kho pana paṭicchannaṃ āsanaṃ hoti nālaṅkammaniyaṃ. alaṅ-ca kho hoti mātugāmaṃ duṭṭhullāhi vācāhi obhāsituṃ. yo pana bhikkhu tathārūpe āsane mātugāmena saddhiṃ eko ekāya raho nisajjaṃ kappeyya. tam-enaṃ saddheyyavacasā upāsikā disvā dvinnāṃ dhammānaṃ aññatarena vadeyya saṅghādisesena vā pācittiyena vā. nisajjaṃ bhikkhu paṭijānamāno dvinnāṃ dhammānaṃ aññatarena kāretabbo saṅghādisesena vā pācittiyena vā. yena vā sā saddheyyavacasā upāsikā vadeyya, tena so bhikkhu kāretabbo. ayaṃ-pi dhammo aniyato.

uddiṭṭhā kho āyasmanto dve aniyatā dhammā.
 tatthāyasmante pucchāmi: kaccittha parisuddhā?
 dutiyam-pi pucchāmi: kaccittha parisuddhā?
 tatiyam-pi pucchāmi: kaccittha parisuddhā?
 parisuddhetthāyasmanto, tasmā tuṇhī, evam-etaṃ dhārayāmi.

ime kho panāyasmanto tiṃsa nissaggiyā pācittiyā dhammā uddesaṃ āgacchanti.

NP 1: Paṭhamakaṭṭhinasikkhāpadaṃ
 niṭṭhitacīvarasmiṃ bhikkhunā ubbhatasmiṃ kaṭṭhine, dasāhaparamaṃ atirekacīvaraṃ dhāretabbaṃ. taṃ atikkāmayato, nissaggiyaṃ pācittiyaṃ.

NP 2: Dutiyakaṭṭhinasikkhāpadaṃ
 niṭṭhitacīvarasmiṃ bhikkhunā ubbhatasmiṃ kaṭṭhine, ekarattam-pi ce bhikkhu ticīvarena vippavaseyya, aññatra bhikkhusammutiyaṃ, nissaggiyaṃ pācittiyaṃ.

NP 3: Tatiyakaṭṭhinasikkhāpadaṃ
 niṭṭhitacīvarasmiṃ bhikkhunā ubbhatasmiṃ kaṭṭhine, bhikkhuno paneva akālacīvaraṃ uppajjeyya. ākaṅkhamānena bhikkhunā

paṭiggahetabbam, paṭiggahetvā khippam-eva kāretabbam. no cassa
pāripūri, māsaparamam tena bhikkhunā taṃ cīvaram
nikkhipitabbam ūnassa pāripūriyā, satiyā paccāsāya. tato ce uttarim
nikkhipeyya, satiyā pi paccāsāya, nissaggiyam pācittiyam.

NP 4: Purāṇacīvarasikkhāpadaṃ
yo pana bhikkhu aññātikāya bhikkhuniyā purāṇacīvaram
dhovāpeyya vā rajāpeyya vā ākoṭāpeyya vā, nissaggiyam
pācittiyam.

NP 5: Cīvarapaṭiggahaṇasikkhāpadaṃ
yo pana bhikkhu aññātikāya bhikkhuniyā hatthato cīvaram
paṭiggaṇheyya, aññatra pārivaṭṭakā, nissaggiyam pācittiyam.

NP 6: Aññātakaviññattisikkhāpadaṃ
yo pana bhikkhu aññātakam gahapatiṃ vā gahapatāniṃ vā cīvaram
viññāpeyya, aññatra samayā, nissaggiyam pācittiyam.
tatthāyam samayo: acchinnacīvaro vā hoti bhikkhu naṭṭhacīvaro
vā - ayam tattha samayo.

NP 7: Tatuttarisikkhāpadaṃ
tañ-ce aññātakam gahapatiṃ vā gahapatāniṃ vā bahūhi cīvarehi
abhihaṭṭhum pavāreyya, santaruttaraparamam tena bhikkhunā tato
cīvaram sādītabbam. tato ce uttariml sādiyeyya, nissaggiyam
pācittiyam.

NP 8: Paṭhama-upakkhaṭasikkhāpadaṃ
bhikkhum paneva uddissa aññātakassa gahapatissa vā gahapatāniyā
vā cīvaracetāpannam² upakkhaṭam hoti: "iminā cīvaracetāpannena
cīvaram cetāpetvā itthannāmaṃ bhikkhum cīvarena acchādessāmī"
ti. tatra ce so bhikkhu pubbe appavārito upasaṅkamitvā cīvare
vikappam āpajjeyya: "sādhū vata maṃ āyasmā iminā
cīvaracetāpannena evarūpaṃ vā evarūpaṃ vā cīvaram cetāpetvā
acchādehi" ti. kalyāṇakamyataṃ upādāya, nissaggiyam pācittiyam.

NP 9: Duttiya-upakkhaṭasikkhāpadaṃ
bhikkhum paneva uddissa ubhinnaṃ aññātakānaṃ gahapatīnaṃ vā
gahapatānīnaṃ vā paccekacīvaracetāpannā upakkhaṭā honti:
"imehi mayam paccekacīvaracetāpannehi paccekacīvarāni
cetāpetvā itthannāmaṃ bhikkhum cīvarehi acchādessāmā" ti. tatra
ce so bhikkhu pubbe appavārito upasaṅkamitvā cīvare vikappam
āpajjeyya: "sādhū vata maṃ āyasmanto imehi
paccekacīvaracetāpannehi evarūpaṃ vā evarūpaṃ vā cīvaram
cetāpetvā acchādeha ubho va santā ekenā" ti. kalyāṇakamyataṃ
upādāya, nissaggiyam pācittiyam.

NP 10: Rājasikkhāpadaṃ
bhikkhum paneva uddissa rājā vā rājabhoggo vā brāhmaṇo vā
gahapatiko vā dūtena cīvaracetāpannam pahiṇeyya: "iminā
cīvaracetāpannena cīvaram cetāpetvā itthannāmaṃ bhikkhum
cīvarena acchādehi" ti. so ce dūto taṃ bhikkhum upasaṅkamitvā
evam vadeyya: "idaṃ kho bhante āyasmantaṃ uddissa
cīvaracetāpannam ābhataṃ, paṭiggaṇhātu āyasmā
cīvaracetāpannam"-ti. tena bhikkhunā so dūto evam-assa vacanīyo:
"na kho mayam āvuso cīvaracetāpannam paṭiggaṇhāma cīvaraṇi-ca
kho mayam paṭiggaṇhāma kālena kappiyan"-ti. so ce dūto taṃ
bhikkhum evam vadeyya: "atthi panāyasmato koci
veyyāvaccakaro" ti. cīvaratthikena bhikkhave bhikkhunā
veyyāvaccakaro niddisitaṃ ārāmiko vā upāsako vā: "eso kho
āvuso bhikkhūnaṃ veyyāvaccakaro" ti. so ce dūto taṃ
veyyāvaccakaram saññāpetvā taṃ bhikkhum upasaṅkamitvā evam
vadeyya: "yam kho bhante āyasmā veyyāvaccakaram niddisi,

saññatto so mayā. upasaṅkamatu āyasmā kālena, cīvarena taṃ
 acchādessatī" ti. cīvaratthikena bhikkhave bhikkhunā
 veyyāvaccakaro upasaṅkamitvā dvattikkhattuṃ codetabbo
 sāretabbo: "attho me āvuso cīvarenā" ti. dvattikkhattuṃ
 codayamāno sārāyamāno taṃ cīvaraṃ abhinipphādeyya, iccetaṃ
 kusalaṃ. no ce abhinipphādeyya, catukkhattuṃ pañcakkhattuṃ
 chakkhattuṃ paramaṃ tuṇhībhūtena uddissa ṭhātabbaṃ.
 catukkhattuṃ pañcakkhattuṃ chakkhattuṃ paramaṃ tuṇhībhūto
 uddissa tiṭṭhamāno taṃ cīvaraṃ abhinipphādeyya, iccetaṃ
 kusalaṃ. tato ce uttarim vāyamamāno taṃ cīvaraṃ
 abhinipphādeyya, nissaggiyaṃ pācittiyaṃ. no ce abhinipphādeyya,
 yatassa cīvaracetāpannaṃ ābhataṃ
 tattha sāmaṃ vā gantabbaṃ dūto vā pāhetabbo: "yaṃ kho
 tumhe āyasmanto bhikkhuṃ uddissa cīvaracetāpannaṃ
 paṇiṇittha, na taṃ tassa bhikkhuno kiñci atthaṃ anubhoti,
 yuñjantāyasmanto sakaṃ, mā vo sakaṃ vinassā" ti. ayaṃ tattha
 sāmīci.

Cīvaravaggo paṭhamo

NP 11: Kosiyasikkhāpadaṃ
 yo pana bhikkhu kosiyamissakaṃ santhataṃ kārāpeyya,
 nissaggiyaṃ2 pācittiyaṃ.

NP 12: Suddhakālakasikkhāpadaṃ
 yo pana bhikkhu suddhakālakānaṃ eḷakalomānaṃ santhataṃ
 kārāpeyya, nissaggiyaṃ pācittiyaṃ.

NP 13: Dvebhāgasikkhāpadaṃ
 navaṃ pana bhikkhunā santhataṃ kārayamānena dve bhāgā
 suddhakālakānaṃ eḷakalomānaṃ ādātābbā, tatiyaṃ odātānaṃ
 catutthaṃ gocariyānaṃ. anādā ce bhikkhu dve bhāge
 suddhakālakānaṃ eḷakalomānaṃ tatiyaṃ odātānaṃ catutthaṃ
 gocariyānaṃ navaṃ santhataṃ kārāpeyya, nissaggiyaṃ pācittiyaṃ.

NP 14: Chabbassasikkhāpadaṃ
 navaṃ pana bhikkhunā santhataṃ kārāpetvā chabbassāni
 dhāretabbaṃ. orena ce channaṃ vassānaṃ taṃ santhataṃ
 vissajjetvā vā avissajjetvā vā aññaṃ navaṃ santhataṃ kārāpeyya,
 aññatra bhikkhusammutiya, nissaggiyaṃ pācittiyaṃ.

NP 15: Nisīdanasanthasikkhāpadaṃ
 nisīdanasanthataṃ pana bhikkhunā kārayamānena
 purāṇasanthatassa sāmāntā sugatavidatthī ādātābbā
 dubbaṇṇakaraṇāya, anādā ce bhikkhu purāṇasanthatassa sāmāntā
 sugatavidatthim navaṃ nisīdanasanthataṃ kārāpeyya, nissaggiyaṃ
 pācittiyaṃ.

NP 16: Eḷakalomasikkhāpadaṃ
 bhikkhuno pana addhānamaggappaṭipannassa eḷakalomāni
 uppajjeyyūṃ. ākaṅkhamānena bhikkhunā paṭiggahetabbāni.
 paṭiggahetvā tiyojanaparamaṃ sahatthā haritabbāni, asante hārake.
 tato ce uttarim hareyya asante pi hārake, nissaggiyaṃ pācittiyaṃ.

NP 17: Eḷakalomadhovāpanasikkhāpadaṃ
 yo pana bhikkhu aññātikāya bhikkhuniyā eḷakalomāni dhovāpeyya
 vā rajāpeyya vā vijaṭāpeyya vā, nissaggiyaṃ pācittiyaṃ.

NP 18: Rūpiyasikkhāpadaṃ
 yo pana bhikkhu jātārūparajataṃ uggaṇheyya vā uggaṇhāpeyya vā
 upanikkhittaṃ vā sādiyeyya, nissaggiyaṃ pācittiyaṃ.

NP 19: Rūpiyasamvohārasikkhāpadaṃ
yo pana bhikkhu nānappakāraṃ rūpiyasamvohāraṃ
samāpajjeyya, nissaggiyaṃ pācittiyaṃ.

NP 20: Kayavikkayasikkhāpadaṃ
yo pana bhikkhu nānappakāraṃ kayavikkayaṃ samāpajjeyya,
nissaggiyaṃ pācittiyaṃ.

Kosiyavaggo dutiyo

NP 21: Pattasikkhāpadaṃ
dasāhaparamaṃ atirekapatto dhāretabbo. taṃ atikkāmayato,
nissaggiyaṃ pācittiyaṃ.

NP 22: Ūnapañcabandhanasikkhāpadaṃ
yo pana bhikkhu ūnapañcabandhanena pattena aññaṃ navaṃ
pattaṃ cetāpeyya, nissaggiyaṃ pācittiyaṃ.

tena bhikkhunā so patto bhikkhuparisāya nissajitabbo. yo ca
tassā bhikkhuparisāya pattapariyanto, so tassa bhikkhuno
padātabbo: "ayaṃ te bhikkhu patto, yāva bhedanāya
dhāretabbo" ti. ayaṃ tattha sāmīci.

NP 23: Bhesajjasikkhāpadaṃ
yāni kho pana tāni gilānānaṃ bhikkhūnaṃ paṭisāyanīyāni
bhesajjāni, seyyathidaṃ: sappi, navanītaṃ, telaṃ, madhu,
phāṇitaṃ; tāni paṭiggahetvā sattāhaparamaṃ sannidhikāraṃ
paribhuñjitabbāni. taṃ atikkāmayato, nissaggiyaṃ pācittiyaṃ.

NP 24: Vassikasāṭikasikkhāpadaṃ
"māso seso gimhānaṃ"-ti: bhikkhunā vassikasāṭikacīvaraṃ
pariyesitabbaṃ. "addhamāso seso gimhānaṃ"-ti: katvā
nivāsetabbaṃ. "orena ce māso seso gimhānaṃ"-ti:
vassikasāṭikacīvaraṃ pariyeseyya. "orenaddhamāso seso
gimhānaṃ"-ti: katvā nivāseyya, nissaggiyaṃ pācittiyaṃ.

NP 25: Cīvara-acchindanasikkhāpadaṃ
yo pana bhikkhu bhikkhussa sāmaṃ cīvaraṃ datvā kupitol
anattamano acchindeyya vā acchindāpeyya vā, nissaggiyaṃ
pācittiyaṃ.

NP 26: Suttaviññattisikkhāpadaṃ
yo pana bhikkhu sāmaṃ suttaṃ viññāpetvā tantavāyehi cīvaraṃ
vāyāpeyya, nissaggiyaṃ pācittiyaṃ.

NP 27: Mahāpesakārasikkhāpadaṃ
bhikkhuṃ paneva uddissa aññātako gahapati vā gahapatānī vā
tantavāyehi cīvaraṃ vāyāpeyya. tatra ce so bhikkhu pubbe
appavārito tantavāye upasaṅkamtvā cīvare vikappaṃ āpajjeyya:
"idaṃ kho āvuso cīvaraṃ maṃ uddissa viyyati āyatañ-ca karoṭha,
vitthatañ-ca, appitañ-ca, suvitañ-ca, suppavāyitañ-ca, suvilekhitañ-
ca, suvitacchitañ-ca karoṭha; appeva nāma mayam-pi
āyasmantānaṃ kiñcimattaṃ anupadajjeyyāmā" ti. evañ-ca so
bhikkhu vatvā kiñcimattaṃ anupadajjeyya antamaso
piṇḍapātamattam-pi, nissaggiyaṃ pācittiyaṃ.

NP 28: Accekacīvarasikkhāpadaṃ
dasāhānāgataṃ kattikatamāsikapuñṇamaṃ, bhikkhuno paneva
accekacīvaraṃ uppajjeyya, accekaṃ maññaṃ mānena bhikkhunā
paṭiggahetabbaṃ. paṭiggahetvā yāva cīvarakālasamayaṃ
nikkhipitabbaṃ. tato ce uttariṃ nikkhipeyya, nissaggiyaṃ
pācittiyaṃ.

NP 29: Sāsaṅkhasikkhāpadaṃ

upavassaṃ kho pana kattikapuṇṇamaṃ yāni kho pana tāni
āraññaṇi senāsanāni sāsaṅkasammatāni sappatibhayāni,
tathārūpesu bhikkhu senāsanesu viharanto ākaṅkhamāno tiṇṇaṃ
cīvarānaṃ aññataraṃ cīvaraṃ antaraghare nikkhipeyya. siyā ca
tassa bhikkhuno kocid-eva paccayo tena cīvarena vippavāsāya,
chārattaparamaṃ tena bhikkhunā tena cīvarena vippavasitabbaṃ.
tato ce uttariṃ vippavaseyya, aññatra bhikkhusammutiyā,
nissaggiyaṃ pācittiyaṃ.

NP 30: Pariṇatasikkhāpadaṃ

yo pana bhikkhu jānaṃ saṅghikaṃ lābhaṃ pariṇataṃ attano
pariṇāmeyya, nissaggiyaṃ pācittiyaṃ.

uddiṭṭhā kho āyasmanto tiṃsa nissaggiyā pācittiyā dhammā.
tatthāyasmante pucchāmi: kaccittha parisuddhā?
dutiyaṃ-pi pucchāmi: kaccittha parisuddhā?
tatiyaṃ-pi pucchāmi: kaccittha parisuddhā?
parisuddhetthāyasmanto, tasmā tuṇhī, evaṃ-etaṃ dhārayāmi.

ime kho panāyasmanto dvenavuti pācittiyā dhammā uddesaṃ
āgacchanti.

Pāc 1: Musāvādasikkhāpadaṃ

sampajānamusāvāde, pācittiyaṃ.

Pāc 2: Omasavādasikkhāpadaṃ

omasavāde, pācittiyaṃ.

Pāc 3: Pesuññasikkhāpadaṃ

bhikkhupesuñṇe, pācittiyaṃ.

Pāc 4: Padasodhammasikkhāpadaṃ

yo pana bhikkhu anupasampannaṃ padaso dhammaṃ vāceyya,
pācittiyaṃ.

Pāc 5: Sahaseyyasikkhāpadaṃ

yo pana bhikkhu anupasampannaṃ uttariṃ¹ dirattatirattaṃ
sahaseyyaṃ kappeyya, pācittiyaṃ.

Pāc 6: Dutiyasahaseyyasikkhāpadaṃ

yo pana bhikkhu mātugāmena sahaseyyaṃ kappeyya, pācittiyaṃ.

Pāc 7: Dhammadesanāsikkhāpadaṃ

yo pana bhikkhu mātugāmassa uttariṃ chappañcavācāhi dhammaṃ
deseyya, aññatra viññunā purisaviggahena, pācittiyaṃ.

Pāc 8: Bhūtārocanasikkhāpadaṃ

yo pana bhikkhu anupasampannassa uttarimanussadhammaṃ
āroceyya bhūtasmiṃ, pācittiyaṃ.

Pāc 9: Duṭṭhullārocanasikkhāpadaṃ

yo pana bhikkhu bhikkhussa duṭṭhullaṃ āpattiṃ anupasampannassa
āroceyya, aññatra bhikkhusammutiyā, pācittiyaṃ.

Pāc 10: Pathavikhaṇanasikkhāpadaṃ

yo pana bhikkhu paṭhaviṃ khaṇeyya vā khaṇāpeyya vā,
pācittiyaṃ.

Musāvādāvaggo paṭhamo

Pāc 11: Bhūtagāmasikkhāpadaṃ
bhūtagāmapātavyatāya, pācittiyaṃ.

Pāc 12: Aññavādakasikkhāpadaṃ
aññavādake vihesake, pācittiyaṃ.

Pāc 13: Ujjhāyanasikkhāpadaṃ
ujjhāpanake khīyanake, pācittiyaṃ.

Pāc 14: Paṭhamasenāsanāsikkhāpadaṃ
yo pana bhikkhu saṅghikaṃ mañcaṃ vā pīṭhaṃ vā bhisim vā
kocchaṃ vā ajjhokāse santharitvā vā santharāpetvā vā, taṃ
pakkamanto neva uddhareyya na uddharāpeyya, anāpucchāṃ vā
gaccheyya, pācittiyaṃ.

Pāc 15: Dutiyasenāsanāsikkhāpadaṃ
yo pana bhikkhu saṅghike vihare seyyaṃ santharitvā vā
santharāpetvā vā, taṃ pakkamanto neva uddhareyya na
uddharāpeyya, anāpucchāṃ vā gaccheyya, pācittiyaṃ.

Pāc 16: Anupakhajjasikkhāpadaṃ
yo pana bhikkhu saṅghike vihare jānaṃ pubbūpagataṃ bhikkhuṃ
anupakhajja seyyaṃ kappeyya: "yassa sambādho bhavissati, so
pakkamissati" ti. etad-eva paccayaṃ karitvā anaññaṃ, pācittiyaṃ.

Pāc 17: Nikkaḍḍhanāsikkhāpadaṃ
yo pana bhikkhu bhikkhuṃ kupito anattamano saṅghikā viharā
nikkaḍḍheyya vā nikkaḍḍhāpeyya vā, pācittiyaṃ.

Pāc 18: Vehāsakūṭisikkhāpadaṃ
yo pana bhikkhu saṅghike vihare uparivehāsakuṭiyā
āhaccapādakaṃ mañcaṃ vā pīṭhaṃ vā abhinisīdeyya vā
abhinipajjeyya vā, pācittiyaṃ.

Pāc 19: Mahallakavīhārasikkhāpadaṃ
mahallakaṃ pana bhikkhunā viharāṃ kārayamānena, yāva
dvārakosā aggalaṭṭhapanāya ālokasandhiparikammāya
dvatticchadanassa pariyāyaṃ, appaharite ṭhiteṇa adhiṭṭhātabbhaṃ.
tato ce uttarim appaharite pi ṭhito adhiṭṭhaheyya, pācittiyaṃ.

Pāc 20: Sappāṇasikkhāpadaṃ
yo pana bhikkhu jānaṃ sappāṇakaṃ udakaṃ tiṇaṃ vā mattikaṃ
vā siñceyya vā siñcāpeyya vā, pācittiyaṃ.

Pāc 21: Ovādasikkhāpadaṃ
yo pana bhikkhu asammato bhikkhuniyo ovadeyya, pācittiyaṃ.

Pāc 22: Atthaṅgatasikkhāpadaṃ
sammato pi ce bhikkhu atthaṅgate suriye bhikkhuniyo ovadeyya,
pācittiyaṃ.

Pāc 23: Bhikkhunūpassayasikkhāpadaṃ
yo pana bhikkhu bhikkhunūpassayaṃ upsāṅkamitvā bhikkhuniyo
ovadeyya, aññatra samayā, pācittiyaṃ.
tatthāyaṃ samayo: gilānā hoti bhikkhunī - ayaṃ tattha samayo.

Pāc 24: Āmisasikkhāpadaṃ
yo pana bhikkhu evaṃ vadeyya: "āmisahetu bhikkhūl bhikkhuniyo
ovadanti" ti, pācittiyaṃ.

Pāc 25: Cīvaradānasikkhāpadaṃ
yo pana bhikkhu aññātikāya bhikkhuniyā cīvaraṃ dadeyya,

aññatra pāriṇaṭṭakā, pācittiyaṃ.

Pāc 26: Cīvarasibbanasikkhāpadaṃ
yo pana bhikkhu aññatikāya bhikkhuniyā cīvaraṃ sabbeyya vā
sabbāpeyya vā, pācittiyaṃ.

Pāc 27: Saṃvidhānasikkhāpadaṃ
yo pana bhikkhu bhikkhuniyā saddhiṃ saṃvidhāya
ekaddhānamaggaṃ paṭipajjeyya antamaso gāmantaram-pi, aññatra
samayā, pācittiyaṃ.
tatthāyaṃ samayo: satthagamaniyo hoti maggo sāsaṅkasammato
sappaṭibhaya - ayaṃ tattha samayo.

Pāc 28: Nāvābhirūhatasikkhāpadaṃ
yo pana bhikkhu bhikkhuniyā saddhiṃ saṃvidhāya ekaṃ nāvaṃ
abhirūheyya uddhagāminiṃ² vā adhogāminiṃ vā, aññatra tiriyaṃ
taraṇāya, pācittiyaṃ.

Pāc 29: Paripācitasikkhāpadaṃ
yo pana bhikkhu jānaṃ bhikkhunīparipācitaṃ piṇḍapātaṃ
bhuñjeyya, aññatra pubbe gihīsamārambhā, pācittiyaṃ.

Pāc 30: Rahonisajjasikkhāpadaṃ
yo pana bhikkhu bhikkhuniyā saddhiṃ eko ekāya raho nisajjaṃ
kappeyya, pācittiyaṃ.

Bhikkhunovādavaggo tatiyo

Pāc 31: Āvasathapiṇḍasikkhāpadaṃ
agilānena bhikkhunā eko āvasathapiṇḍo bhuñjitabbo. tato ce
uttariṃ bhuñjeyya, pācittiyaṃ.

Pāc 32: Gaṇabhojanasikkhāpadaṃ
gaṇabhojane, aññatra समयā, pācittiyaṃ.
tatthāyaṃ samayo: gilānasamayo, cīvaradānasamayo,
cīvarakārasamayo, addhānagamanasamayo,
nāvābhirūhanasamayo, mahāsamayo, samaṇabhattasamayo -
ayaṃ tattha samayo.

Pāc 33: Paramparabhojanasikkhāpadaṃ
paramparabhojane, aññatra समयā, pācittiyaṃ.
tatthāyaṃ samayo: gilānasamayo, cīvaradānasamayo,
cīvarakārasamayo - ayaṃ tattha samayo.

Pāc 34: Kāṇamātusikkhāpadaṃ
bhikkhuṃ paneva kulaṃ upagataṃ pūvehi vā manthehi vā
abhihaṭṭhuṃ pavāreyya. ākaṅkhamānena bhikkhunā
dvattipattapūrā paṭiggahetabbā. tato ce uttariṃ paṭiggaṇheyya,
pācittiyaṃ.
dvattipattapūre paṭiggahetvā tato nīharitvā bhikkhūhi saddhiṃ
saṃvibhajitabbā. ayaṃ tattha sāmīci.

Pāc 35: Paṭhamapavāraṇasikkhāpadaṃ
yo pana bhikkhu bhuttāvi pavārito anatirittaṃ, khādaniyaṃ vā
bhojaniyaṃ vā khādeyya vā bhuñjeyya vā, pācittiyaṃ.

Pāc 36: Dutiyapavāraṇasikkhāpadaṃ
yo pana bhikkhu bhikkhuṃ bhuttāviṃ pavāritaṃ anatirittena
khādaniyena vā bhojaniyena vā abhihaṭṭhuṃ pavāreyya: "handa
bhikkhu khāda vā bhuñja vā" ti, jānaṃ āsādanāpekkho,
bhuttasmiṃ, pācittiyaṃ.

Pāc 37: Vikālabhojanasikkhāpadaṃ
yo pana bhikkhu vikāle khādaniyaṃ vā bhojaniyaṃ vā khādeyya
vā bhuñjeyya vā, pācittiyaṃ.

Pāc 38: Sannidhikārasikkhāpadaṃ
yo pana bhikkhu sannidhikārakaṃ khādaniyaṃ vā bhojaniyaṃ vā
khādeyya vā bhuñjeyya vā, pācittiyaṃ.

Pāc 39: Paṇītabhojanasikkhāpadaṃ
yāni kho pana tāni paṇītabhojanāni, seyyathidaṃ: sappi,
navanītaṃ, telaṃ, madhu, phāṇitaṃ, maccho, maṃsaṃ, khīraṃ,
dadhi. yo pana bhikkhu evarūpāni paṇītabhojanāni agilāno attano
atthāya viññāpetvā bhuñjeyya, pācittiyaṃ.

Pāc 40: Dantaponasikkhāpadaṃ
yo pana bhikkhu adinnaṃ mukhadvāraṃ āhāraṃ āhareyya, aññatra
udakadantaponā, pācittiyaṃ.

Bhojanavaggo catuttho

Pāc 41: Acelakasikkhāpadaṃ
yo pana bhikkhu acelakassa vā paribbājakassa vā paribbājikāya vā
sahatthā
khādaniyaṃ vā bhojaniyaṃ vā dadeyya, pācittiyaṃ.

Pāc 42: Uyyojanasikkhāpadaṃ
yo pana bhikkhu bhikkhuṃ: "ehāvuso gāmaṃ vā nigamaṃ vā
piṇḍāya pavisissāmā" ti. tassa dāpetvā vā adāpetvā vā uyyojeyya:
"gacchāvuso na me tayā saddhiṃ kathā vā nisajjā vā phāsu hoti,
ekakassa me kathā vā nisajjā vā phāsu hoti" ti. etad-eva paccayaṃ
karitvā anaññaṃ, pācittiyaṃ.

Pāc 43: Sabhojanasikkhāpadaṃ
yo pana bhikkhu sabhojane kule anupakhajja nisajjaṃ kappeyya,
pācittiyaṃ.

Pāc 44: Paṭhamarahonisajjasikkhāpadaṃ
yo pana bhikkhu mātugāmena saddhiṃ raho paṭicchanne āsane
nisajjaṃ kappeyya, pācittiyaṃ.

Pāc 45: Dutiyarahonisajjasikkhāpadaṃ
yo pana bhikkhu mātugāmena saddhiṃ eko ekāya raho nisajjaṃ
kappeyya, pācittiyaṃ.

Pāc 46: Cārittasikkhāpadaṃ
yo pana bhikkhu nimantito sabhatto samāno santaṃ bhikkhuṃ
anāpucchā purebhattaṃ vā pacchābhattaṃ vā kulesu cārittaṃ
āpajjeyya, aññatra samayā, pācittiyaṃ.
tatthāyaṃ samayo: cīvaradānasamayo, cīvarakārasamayo - ayaṃ
tattha samayo.

Pāc 47: Mahānāmasikkhāpadaṃ
agilānena bhikkhunā cātumāsappaccayapavāraṇā sādītābā, aññatra
punapavāraṇāya, aññatra niccapavāraṇāya. tato ce uttarim
sādiyeyya, pācittiyaṃ.

Pāc 48: Uyyuttasenāsikkhāpadaṃ
yo pana bhikkhu uyyuttaṃ senaṃ dassanāya gaccheyya, aññatra
tathārūpappaccayā, pācittiyaṃ.

Pāc 49: Senāvāsasikkhāpadaṃ
siyā ca tassa bhikkhuno kocid-eva paccayo senaṃ gamanāya,

dirattatirattaṃ tena bhikkhunā senāya vasitabbaṃ. tato ce uttarim vaseyya, pācittiyāṃ.

Pāc 50: Uyyodhikasikkhāpadaṃ
dirattatirattaṃ ce bhikkhu senāya vasamāno uyyodhikaṃ vā
balaggaṃ vā senābyūhaṃ vā anikadassanaṃ vā gaccheyya,
pācittiyāṃ.

Acelakavaggo pañcamo

Pāc 51: Surāpānasikkhāpadaṃ
surāmerayapāne, pācittiyāṃ.

Pāc 52: Aṅgulipatodakasikkhāpadaṃ
aṅgulipatodake, pācittiyāṃ.

Pāc 53: Hassadhammasikkhāpadaṃ
udake hassadhamme, pācittiyāṃ.

Pāc 54: Anādariyasikkhāpadaṃ
anādariye, pācittiyāṃ.

Pāc 55: Bhimsāpanakasikkhāpadaṃ
yo pana bhikkhu bhikkhuṃ bhimsāpeyya, pācittiyāṃ.

Pāc 56: Jotisikkhāpadaṃ
yo pana bhikkhu agilāno visibbanāpekkho jotim samādaheyya vā
samādahāpeyya vā, aññatra tathārūpappaccayā, pācittiyāṃ.

Pāc 57: Nahānasikkhāpadaṃ
yo pana bhikkhu orenaddhamāsāṃ nahāyeyya, aññatra samayā,
pācittiyāṃ.

tatthāyaṃ samayo: diyaḍḍho māso seso gimhānan-ti, vassānassa
paṭhamo māso, iccete aḍḍhateyyamāsā, uṇhasamayo,
pariḷāhasamayo, gilānasamayo, kammamayo,
addhānagamanasamayo, vātavutṭhisamayo - ayaṃ tattha
samayo.

Pāc 58: Dubbaṇṇakarasikkhāpadaṃ
navaṃ pana bhikkhunā cīvaralābhena tiṇṇaṃ dubbaṇṇakaraṇānaṃ
aññataraṃ dubbaṇṇakaraṇaṃ ādātappaṃ, nīlaṃ vā kaddamaṃ vā
kālasāmaṃ vā. anādā ce bhikkhu tiṇṇaṃ dubbaṇṇakaraṇānaṃ
aññataraṃ dubbaṇṇakaraṇaṃ navaṃ cīvaraṃ paribhuñjeyya,
pācittiyāṃ.

Pāc 59: Vikappanasikkhāpadaṃ
yo pana bhikkhu bhikkhussa vā bhikkhuniyā vā sikkhamānāya vā
sāmaṇerassa vā sāmaṇeriyā vā sāmaṃ cīvaraṃ vikappetvā
apaccuddhārakaṃ paribhuñjeyya, pācittiyāṃ.

Pāc 60: Cīvarāpanidhānasikkhāpadaṃ
yo pana bhikkhu bhikkhussa pattaṃ vā cīvaraṃ vā nisīdanaṃ vā
sūciḡharaṃ vā kāyabandhanaṃ vā apanidheyya vā apanidhāpeyya
vā antamaso hassāpekkho pi, pācittiyāṃ.

Surāpānavaggo chaṭṭho

Pāc 61: Sañciccaṇasikkhāpadaṃ
yo pana bhikkhu sañcicca paṇaṃ jīvitā voropeyya, pācittiyāṃ.

Pāc 62: Sappāṇakasikkhāpadaṃ

yo pana bhikkhu jānaṃ sappāṇakaṃ udakaṃ paribhuñjeyya,
pācittiyaṃ.

Pāc 63: Ukkoṭanasikkhāpadaṃ
yo pana bhikkhu jānaṃ yathādhammaṃ nihatādhikaraṇaṃ
punakammāya ukkoṭeyya, pācittiyaṃ.

Pāc 64: Duṭṭhullasikkhāpadaṃ
yo pana bhikkhu bhikkhussa jānaṃ duṭṭhullaṃ āpattiṃ
paṭicchādeyya, pācittiyaṃ.

Pāc 65: Ūnavīsativassasikkhāpadaṃ
yo pana bhikkhu jānaṃ ūnavīsativassaṃ puggalaṃ upasampādeyya,
so ca puggalo anupasampanno, te ca bhikkhū gārayhā. idaṃ
tasmiṃ pācittiyaṃ.

Pāc 66: Theyyasatthasikkhāpadaṃ
yo pana bhikkhu jānaṃ theyyasatthena saddhiṃ saṃvidhāya
ekaddhānamaggaṃ paṭipajjeyya antamaso gāmantaram-pi,
pācittiyaṃ

Pāc 67: Saṃvidhānasikkhāpadaṃ
yo pana bhikkhu mātugāmena saddhiṃ saṃvidhāya
ekaddhānamaggaṃ paṭipajjeyya antamaso gāmantaram-pi,
pācittiyaṃ.

Pāc 68: Ariṭṭhasikkhāpadaṃ
yo pana bhikkhu evaṃ vadeyya: "tathāhaṃ bhagavatā dhammaṃ
desitaṃ ājānāmi. yathā yeme antarāyikā dhammā vuttā bhagavatā,
te paṭisevato nālaṃ antarāyāyā" ti. so bhikkhu bhikkhūhi evaṃ-
assa vacaṇīyo: "mā āyasmā evaṃ avaca. mā bhagavantaṃ
abbhācikkhi, na hi sādhu bhagavato abbhakkhānaṃ, na hi bhagavā
evaṃ vadeyya. anekapariyāyena āvuso antarāyikā dhammā
antarāyikā vuttā bhagavatā, alaṇ-ca pana te paṭisevato antarāyāyā"
ti. evaṇ-ca pana so bhikkhu bhikkhūhi vuccamāno tatheva
paggaṇheyya, so bhikkhu bhikkhūhi yāvatatiyaṃ samanubhāsitabbo
tassa paṭinissaggāya. yāvatatiyaṃ ce samanubhāsiyamāno tam-
paṭinissajjeyya iccetaṃ kusalaṃ. na ce paṭinissajjeyya, pācittiyaṃ.

Pāc 69: Ukkhittasambhogasikkhāpadaṃ
yo pana bhikkhu jānaṃ tathāvādinā bhikkhunā akatānuddhammena
taṃ diṭṭhiṃ appaṭinissatṭhena saddhiṃ sambhuñjeyya vā
saṃvaseyya vā saha vā seyyaṃ kappeyya, pācittiyaṃ.

Pāc 70: Kaṇṭakasikkhāpadaṃ
samaṇuddeso pi ce evaṃ vadeyya: "tathāhaṃ bhagavatā dhammaṃ
desitaṃ ājānāmi. yathā yeme antarāyikā dhammā vuttā bhagavatā,
te paṭisevato nālaṃ antarāyāyā" ti. so samaṇuddeso bhikkhūhi
evaṃ-assa vacaṇīyo: "mā āvuso samaṇuddesa evaṃ avaca. mā
bhagavantaṃ abbhācikkhi, na hi sādhu bhagavato abbhakkhānaṃ,
na hi bhagavā evaṃ vadeyya. anekapariyāyena āvuso samaṇuddesa
antarāyikā dhammā antarāyikā vuttā bhagavatā, alaṇ-ca pana te
paṭisevato antarāyāyā" ti. evaṇ-ca pana so samaṇuddeso bhikkhūhi
vuccamāno tatheva paggaṇheyya, so samaṇuddeso bhikkhūhi evaṃ-
assa vacaṇīyo: "ajjatagge te āvuso samaṇuddesa na ceva so bhagavā
satthā apadisitabbo, yam-pi caññe samaṇuddesā labhanti bhikkhūhi
saddhiṃ dirattatirattaṃ sahaseyyaṃ, sāpi te natthi, cara pare
vinassā" ti. yo pana bhikkhu jānaṃ tathānāsitaṃ samaṇuddesaṃ
upalāpeyya vā upaṭṭhāpeyya vā sambhuñjeyya vā saha vā seyyaṃ
kappeyya, pācittiyaṃ.

Sañciccapāṇavaggo sattamo

Pāc 71: Sahadhammikasikkhāpadaṃ
yo pana bhikkhu bhikkhūhi sahadhammikaṃ vuccamāno evaṃ
vadeyya: "na tāvāhaṃ āvuso etasmiṃ sikkhāpade sikkhissāmi, yāva
na aññaṃ bhikkhuṃ vyattaṃ vinayadharaṃ paripucchāmi" ti,
pācittiyaṃ.
sikkhamānena bhikkhave bhikkhunā aññātabbaṃ
paripucchitabbaṃ paripañhitabbaṃ. ayaṃ tattha sāmīci.

Pāc 72: Vilekhanasikkhāpadaṃ
yo pana bhikkhu pātimokkhe uddissamāne evaṃ vadeyya: "kiṃ
panimehi khuddānukhuddakehi sikkhāpadehi uddiṭṭhehi, yāvad-eva
kukkuccāya, vihesāya, vilekhāya saṃvattanti" ti.
sikkhāpadavivaṇṇake, pācittiyaṃ.

Pāc 73: Mohanasikkhāpadaṃ
yo pana bhikkhu anvaddhamāsaṃ pātimokkhe uddissamāne evaṃ
vadeyya: "idāneva kho ahaṃ jānāmi, ayam-pi kira dhammo
suttāgato suttapariyāpanno anvaddhamāsaṃ uddesaṃ āgacchatī" ti.
tañ-ce bhikkhuṃ aññe bhikkhū jāneyyū: "nisinnapubbaṃ iminā
bhikkhunā dvattikkhattuṃ pātimokkhe uddissamāne. ko pana vādo
bhiyyo" ti.1 na ca tassa bhikkhuno aññāṇakena mutti atthi. yañ-ca
tattha āpattiṃ āpanno, tañ-ca yathādhhammo kāretabbo, uttarim
cassa moho āropetabbo: "tassa te āvuso alābhā, tassa te
dulladdhaṃ. yaṃ tvaṃ pātimokkhe uddissamāne, na sādhukaṃ
aṭṭhikavā manasikarosi" ti. idaṃ tasmiṃ mohanake, pācittiyaṃ.

Pāc 74: Pahārasikkhāpadaṃ
yo pana bhikkhu bhikkhussa kupito anattamano pahāraṃ dadeyya,
pācittiyaṃ.

Pāc 75: Talasattikasikkhāpadaṃ
yo pana bhikkhu bhikkhussa kupito anattamano talasattikaṃ
uggireyya, pācittiyaṃ.

Pāc 76: Amūlakasikkhāpadaṃ
yo pana bhikkhu bhikkhuṃ amūlakena saṅghādisesena
anuddhamseyya, pācittiyaṃ.

Pāc 77: Sañciccasikkhāpadaṃ
yo pana bhikkhu bhikkhussa sañcicca kukkuccaṃ upadaheyya:
"itissa muhuttam-pi aphāsu bhavissati" ti. etad-eva paccayaṃ
karitvā anaññaṃ, pācittiyaṃ.

Pāc 78: Upassutisikkhāpadaṃ
yo pana bhikkhu bhikkhūnaṃ bhaṇḍana-jātānaṃ kalahajātānaṃ
vivādāpannānaṃ upassutiṃ tiṭṭheyya: "yaṃ ime bhaṇissanti, taṃ
sossāmi" ti. etad-eva paccayaṃ karitvā anaññaṃ, pācittiyaṃ.

Pāc 79: Kammaṇḍibāhanasikkhāpadaṃ
yo pana bhikkhu dhammikaṇaṃ kammānaṃ chandaṃ datvā
pacchā khīyanadhammaṃ āpajjeyya, pācittiyaṃ.

Pāc 80: Chandamadatvāgamanasikkhāpadaṃ
yo pana bhikkhu saṅghe vinicchayakathāya vattamānāya chandaṃ
adatvā uṭṭhāyāsanaṃ pakkameyya, pācittiyaṃ.

Pāc 81: Dabbasikkhāpadaṃ
yo pana bhikkhu samaggena saṅghena cīvaraṃ datvā pacchā
khīyanadhammaṃ āpajjeyya: "yathāsanthutaṃ bhikkhū saṅghikaṃ
lābhaṃ pariṇāmeti" ti, pācittiyaṃ.

Pāc 82: Pariṇāmanasikkhāpadaṃ
yo pana bhikkhu jānaṃ saṅghikaṃ lābhaṃ pariṇataṃ puggalassa
pariṇāmeyya, pācittiyaṃ.

Pāc 83: Rājantarapurasikkhāpadaṃ
yo pana bhikkhu rañño khattiyassa muddhāvasittassa
anikkhanarājake añibhattaratanake pubbe appaṭisaṃvidito
indakhīlaṃ atikkāmeyya, pācittiyaṃ.

Pāc 84: Ratanasikkhāpadaṃ
yo pana bhikkhu ratanaṃ vā ratanasammataṃ vā, aññatra
ajjhārāmā vā ajjhāvasathā vā uggahēyya vā uggahāpeyya vā,
pācittiyaṃ.
ratanaṃ vā pana bhikkhunā ratanasammataṃ vā ajjhārāme vā
ajjhāvasathe vā uggahetvā vā uggahāpetvā vā nikkhipitabbaṃ:
"yassa bhavissati, so harissati" ti. ayaṃ tattha sāmīci.

Pāc 85: Vikālagāmapavesanasikkhāpadaṃ
yo pana bhikkhu santaṃ bhikkhuṃ anāpucchā vikāle gāmaṃ
paviseyya, aññatra tathārūpā accāyikā karaṇīyā, pācittiyaṃ.

Pāc 86: Sūciḡharasikkhāpadaṃ
yo pana bhikkhu2 aṭṭhimayaṃ vā dantamayaṃ vā visāṇamayaṃ vā
sūciḡharaṃ kārāpeyya, bhedanakaṃ, pācittiyaṃ.

Pāc 87: Mañcasikkhāpadaṃ
navaṃ pana bhikkhunā mañcaṃ vā piṭhaṃ vā kārayamānena
aṭṭhaṅgulapādaṃ kāretabbaṃ sugataṅguleṇa, aññatra heṭṭhimāya
aṭaniyā. taṃ atikkāmayato, chedanakaṃ, pācittiyaṃ.

Pāc 88: Tūlonaddhasikkhāpadaṃ
yo pana bhikkhu mañcaṃ vā piṭhaṃ vā tūlonaddhaṃ kārāpeyya,
uddālanakaṃ, pācittiyaṃ.

Pāc 89: Nisīdanasikkhāpadaṃ
nisīdanaṃ pana bhikkhunā kārayamānena pamāṇikaṃ kāretabbaṃ.
tatrīdaṃ pamāṇaṃ: dīghaso dve vidatthiyo sugatavidatthiyā,
tiriyaṃ diyaḍḍhaṃ, dasā vidatthi. taṃ atikkāmayato, chedanakaṃ,
pācittiyaṃ.

Pāc 90: Kaṇḍupaṭicchādisikkhāpadaṃ
kaṇḍupaṭicchādiṃ pana bhikkhunā kārayamānena pamāṇikā
kāretabbā. tatrīdaṃ1 pamāṇaṃ: dīghaso catasso vidatthiyo
sugatavidatthiyā, tiriyaṃ dve vidatthiyo. taṃ atikkāmayato,
chedanakaṃ, pācittiyaṃ.

Pāc 91: Vassikasāṭikasikkhāpadaṃ
vassikasāṭikaṃ pana bhikkhunā kārayamānena pamāṇikā
kāretabbā. tatrīdaṃ2 pamāṇaṃ: dīghaso cha vidatthiyo
sugatavidatthiyā, tiriyaṃ aḍḍhateyyā. taṃ atikkāmayato,
chedanakaṃ, pācittiyaṃ.

Pāc 92: Nandattherasikkhāpadaṃ
yo pana bhikkhu sugatacīvarappamāṇaṃ cīvaraṃ kārāpeyya
atirekaṃ vā, chedanakaṃ, pācittiyaṃ.
tatrīdaṃ1 sugatassa sugatacīvarappamāṇaṃ: dīghaso nava
vidatthiyo sugatavidatthiyā, tiriyaṃ cha vidatthiyo. idaṃ
sugatassa sugatacīvarappamāṇaṃ.

Rājavaggo navamo

uddiṭṭhā kho āyasmanto dvenavuti pācittiyaṃ dhammā.

tatthāyasmante pucchāmi: kaccittha parisuddhā?
 dutiyam-pi pucchāmi: kaccittha parisuddhā?
 tatiyam-pi pucchāmi: kaccittha parisuddhā?
 parisuddhetthāyasmanto, tasmā tuṇhī, evam-etaṃ dhārayāmi.

(Suddhapācittiyā niṭṭhitā)

ime kho panāyasmanto cattāro pāṭidesanīyā dhammā uddesaṃ āgacchanti.

Pāṭ 1: Paṭhamapāṭidesanīyasikkhāpadaṃ
 yo pana bhikkhu aññātikāya bhikkhuniyā antaragharaṃ pavitṭhāya
 hatthato khādaniyaṃ vā bhojaniyaṃ vā sahatthā paṭiggahetvā
 khādeyya vā bhuñjeyya vā. paṭidesetabbaṃ tena bhikkhunā:
 "gārayhaṃ āvuso dhammaṃ āpajjīṃ, asappāyaṃ, pāṭidesaniyaṃ,
 taṃ paṭidesemī" ti.

Pāṭ 2: Dutiyapāṭidesanīyasikkhāpadaṃ
 bhikkhū paneva kulesu nimantitā bhuñjanti. tatra ce sā bhikkhunī
 vosāsamānarūpā ṭhitā hoti: "idha sūpaṃ detha, idha odanaṃ dethā"
 ti. tehi bhikkhūhi sā bhikkhunī apasādetabbā: "apasakka tāva
 bhagini, yāva bhikkhū bhuñjanti" ti.2 ekassa pi ce3 bhikkhuno
 nappaṭibhāseyya taṃ bhikkhuniṃ apasādetum: "apasakka tāva
 bhagini, yāva bhikkhū bhuñjanti" ti. paṭidesetabbaṃ tehi
 bhikkhūhi: "gārayhaṃ āvuso dhammaṃ āpajjīmā, asappāyaṃ,
 pāṭidesaniyaṃ, taṃ paṭidesemā" ti.

Pāṭ 3: Tatiyapāṭidesanīyasikkhāpadaṃ
 yāni kho pana tāni sekhasammatāni kulāni. yo pana bhikkhu
 tathārūpesu sekhasammatesu kulesu pubbe animantito agilāno
 khādaniyaṃ vā bhojaniyaṃ vā sahatthā paṭiggahetvā khādeyya vā
 bhuñjeyya vā. paṭidesetabbaṃ tena bhikkhunā: "gārayhaṃ āvuso
 dhammaṃ āpajjīṃ, asappāyaṃ, pāṭidesaniyaṃ, taṃ paṭidesemī" ti.

Pāṭ 4: Catutthapāṭidesanīyasikkhāpadaṃ
 yāni kho pana tāni āraññakāni senāsanāni sāsaṅkasammatāni
 sappāṭibhayāni. yo pana bhikkhu tathārūpesu senāsanesu viharanto
 pubbe appaṭisaṃviditaṃ khādaniyaṃ vā bhojaniyaṃ vā ajjhārāme
 sahatthā paṭiggahetvā agilāno khādeyya vā bhuñjeyya vā.
 paṭidesetabbaṃ tena bhikkhunā: "gārayhaṃ āvuso dhammaṃ
 āpajjīṃ, asappāyaṃ, pāṭidesaniyaṃ, taṃ paṭidesemī" ti.

uddiṭṭhā kho āyasmanto cattāro pāṭidesanīyā dhammā.
 tatthāyasmante pucchāmi: kaccittha parisuddhā?
 dutiyam-pi pucchāmi: kaccittha parisuddhā?
 tatiyam-pi pucchāmi: kaccittha parisuddhā?
 parisuddhetthāyasmanto, tasmā tuṇhī, evam-etaṃ dhārayāmi.

Pāṭidesanīyā niṭṭhitā

ime kho panāyasmanto sekhiyā dhammā uddesaṃ āgacchanti.

Sekh 1: (Parimaṇḍalasikkhāpadaṃ)1
 parimaṇḍalaṃ nivāsessāmī ti, sikkhā karaṇīyā.

Sekh 2:
 parimaṇḍalaṃ pārūpissāmī ti, sikkhā karaṇīyā.

Sekh 3: (Suppaṭichannasikkhāpadaṃ)
 suppaṭicchanno antaraghare gamissāmī ti, sikkhā karaṇīyā.

Sekh 4:

supaṭicchanho antaraghare nisīdissāmi ti, sikkhā karaṇīyā.

Sekh 5: (Susaṃvutasikkhāpadaṃ)
susaṃvuto antaraghare gamissāmi ti, sikkhā karaṇīyā.

Sekh 6:
susaṃvuto antaraghare nisīdissāmi ti, sikkhā karaṇīyā.

Sekh 7: (Okkhittacakkhusikkhāpadaṃ)
okkhittacakkhu antaraghare gamissāmi ti, sikkhā karaṇīyā.

Sekh 8:
okkhittacakkhu antaraghare nisīdissāmi ti, sikkhā karaṇīyā.

Sekh 9: (Ukkhittakasikkhāpadaṃ)
na ukkhittakāya antaraghare gamissāmi ti, sikkhā karaṇīyā.

Sekh 10:
na ukkhittakāya antaraghare nisīdissāmi ti, sikkhā karaṇīyā.

Parimaṇḍalavaggo paṭhamo

Sekh 11: (Ujjagghikasikkhāpadaṃ)
na ujjagghikāya antaraghare gamissāmi ti, sikkhā karaṇīyā.

Sekh 12:
na ujjagghikāya antaraghare nisīdissāmi ti, sikkhā karaṇīyā.

Sekh 13: (Uccasaddāsikkhāpadaṃ)
appasaddo antaraghare gamissāmi ti, sikkhā karaṇīyā.

Sekh 14:
appasaddo antaraghare nisīdissāmi ti, sikkhā karaṇīyā.

Sekh 15: (Kāyappacālakādisikkhāpadaṃ)
na kāyappacālakā antaraghare gamissāmi ti, sikkhā karaṇīyā.

Sekh 16:
na kāyappacālakā antaraghare nisīdissāmi ti, sikkhā karaṇīyā.

Sekh 17: (Bāhuppacālakasikkhāpadaṃ)
na bāhuppacālakā antaraghare gamissāmi ti, sikkhā karaṇīyā.

Sekh 18:
na bāhuppacālakā antaraghare nisīdissāmi ti, sikkhā karaṇīyā.

Sekh 19: (Sīsappacālakasikkhāpadaṃ)
na sīsappacālakā antaraghare gamissāmi ti, sikkhā karaṇīyā.

Sekh 20:
na sīsappacālakā antaraghare nisīdissāmi ti, sikkhā karaṇīyā.

Sekh 21: (Khambhakatasikkhāpadaṃ)
na khambhakato antaraghare gamissāmi ti, sikkhā karaṇīyā.

Sekh 22:
na khambhakato antaraghare nisīdissāmi ti, sikkhā karaṇīyā.

Sekh 23: (Oguṇṭhitasikkhāpadaṃ)
na oguṇṭhito antaraghare gamissāmi ti, sikkhā karaṇīyā.

Sekh 24:

na oḡuṇṭhito antaraghare nisīdissāmī ti, sikkhā karaṇīyā.

Sekh 25: (Ukkuṭikasikkhāpadaṃ)
na ukkuṭikāya antaraghare gamissāmī ti, sikkhā karaṇīyā.

Sekh 26: (Pallatthikasikkhāpadaṃ)
na pallatthikāya antaraghare nisīdissāmī ti, sikkhā karaṇīyā.

Sekh 27: (Sakkaccapaṭiggahaṇasikkhāpadaṃ)
sakkaccaṃ piṇḍapātaṃ paṭiggahessāmī ti, sikkhā karaṇīyā.

Sekh 28: (Pattasaññīpaṭiggahaṇasikkhāpadaṃ)
pattasaññī piṇḍapātaṃ paṭiggahessāmī ti, sikkhā karaṇīyā.

Sekh 29: (Samasūpakapaṭiggahaṇasikkhāpadaṃ)
samasūpakaṃ piṇḍapātaṃ paṭiggahessāmī ti, sikkhā karaṇīyā.

Sekh 30: (Samatittikasikkhāpadaṃ)
samatittikaṃ piṇḍapātaṃ paṭiggahessāmī ti, sikkhā karaṇīyā.

Khambhakavaggo tatiyo

Sekh 31: (Sakkaccabuñjanasikkhāpadaṃ)
sakkaccaṃ piṇḍapātaṃ bhuñjissāmī ti, sikkhā karaṇīyā.

Sekh 32: (Pattasaññībhuñjanasikkhāpadaṃ)
pattasaññī piṇḍapātaṃ bhuñjissāmī ti, sikkhā karaṇīyā.

Sekh 33: (Sapadānasikkhāpadaṃ)
sapadānaṃ piṇḍapātaṃ bhuñjissāmī ti, sikkhā karaṇīyā.

Sekh 34: (Samasūpakasikkhāpadaṃ)
samasūpakaṃ piṇḍapātaṃ bhuñjissāmī ti, sikkhā karaṇīyā.

Sekh 35: (Nathūpakatasikkhāpadaṃ)
na thūpatol omadditvā piṇḍapātaṃ bhuñjissāmī ti, sikkhā karaṇīyā.

Sekh 36: (Odanappaṭicchādanasikkhāpadaṃ)
na sūpaṃ vā byañjanaṃ vā odanena paṭicchādessāmi
bhīyokamyataṃ² upādāyāti, sikkhā karaṇīyā.

Sekh 37: (Sūpodanaviññattisikkhāpadaṃ)
na sūpaṃ vā odanaṃ vā agilāno attano atthāya viññāpetvā
bhuñjissāmī ti, sikkhā karaṇīyā.

Sekh 38: (Ujjhānasaññīsikkhāpadaṃ)
na ujjhānasaññī paresaṃ pattam olokessāmī ti, sikkhā karaṇīyā.

Sekh 39: (Kabaḷasikkhāpadaṃ)
nātimahantaṃ kabaḷaṃ karissāmī ti, sikkhā karaṇīyā.

Sekh 40: (Ālopasikkhāpadaṃ)
parimaṇḍalaṃ ālopaṃ karissāmī ti, sikkhā karaṇīyā.

Sakkaccavaggo catuttho

Sekh 41: (Anāhaṭasikkhāpadaṃ)
na anāhaṭe kabaḷe mukhadvāraṃ vivarissāmī ti, sikkhā karaṇīyā.

Sekh 42: (Bhuñjamānasikkhāpadaṃ)
na bhuñjamāno sabbaṃ hatthaṃ mukhe pakkipissāmī ti, sikkhā
karaṇīyā.

Sekh 43: (Sakabaḷasikkhāpadaṃ)
na sakabaḷena mukhena byāharissāmī ti, sikkhā karaṇīyā.

Sekh 44: (Piṇḍukkhepakasikkhāpadaṃ)
na piṇḍukkhepakam bhuñjissāmī ti, sikkhā karaṇīyā.

Sekh 45: (Kabaḷavacchedakasikkhāpadaṃ)
na kabaḷāvacchedakam bhuñjissāmī ti, sikkhā karaṇīyā.

Sekh 46: (Avagaṇḍakāraḥasikkhāpadaṃ)
na avagaṇḍakārakam bhuñjissāmī ti, sikkhā karaṇīyā.

Sekh 47: (Hatthaniddhunakasikkhāpadaṃ)
na hatthaniddhunakam bhuñjissāmī ti, sikkhā karaṇīyā.

Sekh 48: (Sittthāvakāraḥasikkhāpadaṃ)
na sittthāvakārakam bhuñjissāmī ti, sikkhā karaṇīyā.

Sekh 49: (Jivhānicchāraḥasikkhāpadaṃ)
na jivhānicchārakam bhuñjissāmī ti, sikkhā karaṇīyā.

Sekh 50: (Capucapukāraḥasikkhāpadaṃ)
na capucapukārakam bhuñjissāmī ti, sikkhā karaṇīyā.

Kabaḷavaggo pañcamo

Sekh 51: (Surusurukāraḥasikkhāpadaṃ)
na surusurukārakam bhuñjissāmī ti, sikkhā karaṇīyā.

Sekh 52: (Hatthanillehakādisikkhāpadaṃ)
na hatthanillehakam bhuñjissāmī ti, sikkhā karaṇīyā.

Sekh 53: (Pattanillehakasikkhāpadaṃ)
na pattanillehakam bhuñjissāmī ti, sikkhā karaṇīyā.

Sekh 54: (Oṭṭhanillehakasikkhāpadaṃ)
na oṭṭhanillehakam bhuñjissāmī ti, sikkhā karaṇīyā.

Sekh 55: (Sāmisasikkhāpadaṃ)
na sāmisenā hatthēna pāṇiyathālakam paṭiggahessāmī ti, sikkhā karaṇīyā.

Sekh 56: (Sasittthakasikkhāpadaṃ)
na sasittthakam pattadhovanaṃ antaraghare chaḍḍessāmī ti, sikkhā karaṇīyā.

Sekh 57: (Chattapāṇisikkhāpadaṃ)
na chattapāṇissa agilānassa dhammam desissāmī ti, sikkhā karaṇīyā.

Sekh 58: (Daṇḍapāṇisikkhāpadaṃ)
na daṇḍapāṇissa agilānassa dhammam desissāmī ti, sikkhā karaṇīyā.

Sekh 59: (Satthapāṇisikkhāpadaṃ)
na satthapāṇissa agilānassa dhammam desissāmī ti, sikkhā karaṇīyā.

Sekh 60: (Āyudhapāṇisikkhāpadaṃ1):
na āyudhapāṇissa agilānassa dhammam desissāmī ti, sikkhā karaṇīyā.

Surusuruvaggo chaṭṭho

Sekh 61: (Pādukasikkhāpadaṃ)
na pādukārūḷhassa agilānassa dhammaṃ desissāmī ti, sikkhā
karaṇīyā.

Sekh 62: (Upāhanasikkhāpadaṃ)
na upāhanārūḷhassa agilānassa dhammaṃ desissāmī ti, sikkhā
karaṇīyā.

Sekh 63: (Yānasikkhāpadaṃ)
na yānatassa agilānassa dhammaṃ desissāmī ti, sikkhā karaṇīyā.

Sekh 64: (Sayanasikkhāpadaṃ)
na sayanatassa agilānassa dhammaṃ desissāmī ti, sikkhā
karaṇīyā.

Sekh 65: (Pallatthikasikkhāpadaṃ)
na pallatthikāya nisinnassa agilānassa dhammaṃ desissāmī ti,
sikkhā karaṇīyā.

Sekh 66: (Veṭṭhasikkhāpadaṃ)
na veṭṭhasisassa agilānassa dhammaṃ desissāmī ti, sikkhā
karaṇīyā.

Sekh 67: (Oguṇṭṭhasikkhāpadaṃ)
na oguṇṭṭhasisassa agilānassa dhammaṃ desissāmī ti, sikkhā
karaṇīyā.

Sekh 68: (Chamāsikkhāpadaṃ)
na chamāya nisīditvā āsane nisinnassa agilānassa dhammaṃ
desissāmī ti, sikkhā karaṇīyā.

Sekh 69: (Nīcāsanāsikkhāpadaṃ)
na nīce āsane nisīditvā ucce āsane nisinnassa agilānassa dhammaṃ
desissāmī ti, sikkhā karaṇīyā.

Sekh 70: (Ṭṭhasikkhāpadaṃ)
na ṭṭho nisinnassa agilānassa dhammaṃ desissāmī ti, sikkhā
karaṇīyā.

Sekh 71: (Pacchatogamanāsikkhāpadaṃ)
na pacchato gacchanto purato gacchantassa agilānassa dhammaṃ
desissāmī ti, sikkhā karaṇīyā.

Sekh 72: (Uppathenagamanāsikkhāpadaṃ)
na uppathena gacchanto pathena gacchantassa agilānassa
dhammaṃ desissāmī ti, sikkhā karaṇīyā.

Sekh 73: (Ṭṭho-uccārasikkhāpadaṃ)
na ṭṭho agilāno uccāraṃ vā passāvaṃ vā karissāmī ti, sikkhā
karaṇīyā.

Sekh 74: (Harite-uccārasikkhāpadaṃ)
na harite agilāno uccāraṃ vā passāvaṃ vā kheḷaṃ vā karissāmī ti,
sikkhā karaṇīyā.

Sekh 75: (Udake-uccārasikkhāpadaṃ)
na udake agilāno uccāraṃ vā passāvaṃ vā kheḷaṃ vā karissāmī ti,
sikkhā karaṇīyā.

Pādukavaggo sattamo

uddiṭṭhā kho āyasmanto sekhiyā dhammā.
 tatthāyasmante pucchāmi: kaccittha parisuddhā?
 dutiyam-pi pucchāmi: kaccittha parisuddhā?
 tatiyam-pi pucchāmi: kaccittha parisuddhā?
 parisuddhetthāyasmanto, tasmā tuṇhī, evam-etaṃ dhārayāmi.

Sekhiyā niṭṭhitā

ime kho panāyasmanto satta adhikaraṇasamathā dhammā uddesaṃ
 āgacchanti.

uppannuppannānaṃ adhikaraṇānaṃ samathāya vūpasamāya:

- 1: sammukhāvinayo dātabbo.
- 2: sativinayo dātabbo.
- 3: amūḷhavinayo dātabbo.
- 4: paṭiññāya kāretabbaṃ.
- 5: yebhuyyasikā.
- 6: tassapāpiyyasikā.
- 7: tiṇavatthāarakoti.

uddiṭṭhā kho āyasmanto satta adhikaraṇasamathā dhammā.
 tatthāyasmante pucchāmi: kaccittha parisuddhā?
 dutiyam-pi pucchāmi: kaccittha parisuddhā?
 tatiyam-pi pucchāmi: kaccittha parisuddhā?
 parisuddhetthāyasmanto, tasmā tuṇhī, evam-etaṃ dhārayāmi.

Adhikaraṇasamathā niṭṭhitā

Bhikkhupātimokkhapāḷi - 70
 uddiṭṭhaṃ kho āyasmanto nidānaṃ.
 uddiṭṭhā cattāro pārājikā dhammā.
 uddiṭṭhā terasa saṅghādisesā dhammā.
 uddiṭṭhā dve aniyatā dhammā.
 uddiṭṭhā tiṃsa nissaggiyā pācittiya dhammā
 uddiṭṭhā dvenavuti pācittiya dhammā.
 uddiṭṭhā cattāro pāṭidesanīyā dhammā.
 uddiṭṭhā sekhiyā dhammā.
 uddiṭṭhā satta adhikaraṇasamathā dhammā.

ettakaṃ tassa bhagavato suttāgataṃ suttapariyāpannaṃ
 anvaddhamāsaṃ uddesaṃ āgacchatī. tattha sabbeheva samaggehi
 sammōdamānehi avivadamānehi sikkhitabbaṃ.

Bhikkhupātimokkhaṃ niṭṭhitaṃ